



Infurmaziuns dalla suprastanza communal da digl cumeegn Albula/Alvra:

Mars / avregl 2019

- La suprastanza ò approvo diversas dumondas da biagier.
- Per la sanaziun digl provedimaint d'ava ad Alvaschagn, ò la suprastanza delibero en credit brut an import da CHF 2'640'000.00 per mangs dalla radunanza communal da digl 1. da matg 2019.
- Igl nov contract tranter igls cumeegns Albula/Alvra, Barvogn Filisour, Lantsch, Ferrera e Vaz davart la fundaziun d'ena corporaziun da vischnancas da dretg public sainza personalitad giuridica agl senn d'art. 51 e 52 alinea 1 dalla lescha da vischnancas cantunala (Cuminanza da scopo implant da teir regional Albula) è nia approvo e delibero per mangs dalla radunanza communal.
- Sa basond agl art. 21 dalla lescha da planisaziun cantunala, davart da zonas da biagier dalla vischnanca da Brienz/Brinzauls (excl. Vasarauls), ò la suprastanza decida a caschung dalla seduta digls 18 d'avregl 2017 da relascher ena zona da planisaziun da dus onns (2017– 2019). A fundamaint dallas examinaziuns currentas, ò la suprastanza fatg la dumonda agl departamaint d'economia publica e fatgs socials digl Grischun, da prolungar la zona da planisaziun per dus ulteriours onns, anfignen igl matg 2021.
- La suprastanza ò fatg l'elecziun substitutiva per la cumischung da scola Albula/Alvra. Per Rita Germann aintra Claudia Ebnöther ainten la cumischung da scola.
- La suprastanza peglia cunaschientscha d'ena vart digl rendachint final dalla punt pendenta a «Val digl Guert» ad Alvagni e dall'otra vart digl rendachint final dallas punts da lenn alla Ruigna da Belfort a Brienz/Brinzauls. La punt pendenta a «Val digl Guert» sera cun expensas bruttas da CHF 184'136.10 e las punts da lenn cun expensas da CHF 67'169.10.
- Per igl project «SIE 2019 – Veia da gôt Schlasung» a Stierva, ò la suprastanza concedia en credit brut da CHF 450'000.00. Igl project vign preschento a caschung dalla radunanza communal da digl 1. da matg 2019 ansemen cun la proposta per igl credit necessari.
- La suprastanza ò surdo las lavours da construcziun per la realisaziun digl project «SIE 2018 – Veia da gôt Fops» a Casti, alla firma Rizzi SA, Tgazzas.
- Per la projectaziun digl «Preproject da survegliaziun e preavertimaint 2020-2024», ò la suprastanza approvo en credit da CHF 12'700.00. L'incumbensa è neida surdada alla CSD Ingenieure SA a Tusang.

- An connex cun la sanaziun dalla staziun da transfurmaziun a Pro Quarta ed agl magasin regional a Surava, è neidas surdadas las lavours da construcziun e las lavours da montascha electrica. Las lavours da construcziun exequescha la firma Ardüser, interpresa da construcziun ad Alvagni vischnanca e las lavours da montascha electrica la ERAG Netzbau SA, Panadoz.
- La suprastanza è approvo la dumonda da transfereir la concessiun da deflussiun dalla Repower SA sen la Repartner Produktions SA. La radunanza communalà è igl davos pled an tgossa.
- La suprastanza è piglia cunaschientscha digls rendachints finals dalla «Sanaziun digl provedimaint d'ava» a Surava e digl «attatg d'ava ainten la serenera Casti» Alvaschagn. Igls rendachints finals vignan preschentos a caschung dalla proxima radunanza communalà.
- An vista alla proxima radunanza communalà è neidas approvadas las tractandas ed igl messadi.
- Per igl acquist d'en vehichel communal, è nia concedia en credit an import da CHF 35'660.00.
- La suprastanza è surdo las lavours da construcziun per l'erecziun digl post da rimnada da rusment (container sutterran) alla firma Ardüser, interpresa da construcziun SA, Alvagni vischnanca
- La suprastanza è piglia per cunaschientscha resp. approvo igl rendachint annual 2018 digl register funsil Albula.
- La cuvignientscha da prestaziun tgi regla la surdada dallas incumbensas suveranas da survigilaziun, controllas ed execuziun digl cantun ve sen igls purtaders da reviers forestals tenor art. 56 dalla lescha da gôt cantunala, è neida approvada.
- La suprastanza è approvo las cuvignientschas (indemnisaziuns posteriouras per conducts electricas) ed igls contracts da servitut (renovaziun digls dretgs da conducts datas da «Terzas persungas») tranter igl cumegn e la Swissgrid.
- La suprastanza è piglia cunaschientscha digl rapport final dalla «analisa da periclitaziun Albula/Alvra».
- La suprastanza è examino minuztgousamaintg ed approvo la dumonda da natiralisaziun dalla Famiglia Pethe, Alvagni vischnanca.
- Aint igl rom dallas examinaziuns currentas digl sbuaditsch a Brienz/Brinzauls, è la suprastanza communalà surdo las lavours per las examinaziuns seismicas e geoelectricas scu er igls sondagis «gekernt» scu suonda:

seismica:	GEOTEST SA, Turitg
geoelectrica:	Techgea SA, Torino
sondagis:	Stump-BTE SA, Solothurn
- La suprastanza è surdo las lavours da construcziun per la realisaziun digl project «SIE – Veia da gôt Schlasung» a Stierva alla firma Rizzi, SA, Tgazzas, cun resalva dall'approvaziun digl credit antras la radunanza communalà.

- Per igl acquist da dus taglianeivs (fresas da neiv), ò la suprastanza delibero en credit an import da total CHF 21'000.00.
- La suprastanza ò approvo igl rendachint annual 2018 digl post da pumpiers Albula scu er igl rapport annual 2018 (incl. igl rendachint annual 2018 dalla labour per juvenils Albula.

La suprastanza communal